



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

19 հունվարի 2007 թվականի №8Ա
քաղ. երևան

**«ԱՐՄԵՆՏԵԼ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆԸ ՏՐԱՄԱԴՐՎԱԾ
ԹՈՒՅԼՏՎՈՒԹՅՈՒՆՆԵՐԻ ԳՈՐԾՈՂՈՒԹՅԱՆ ԺԱՄԿԵՏԸ
ԵՐԿԱՐԱԶԳԵԼՈՒ ՄԱՍԻՆ**

Հիմք ընդունելով «Էլեկտրոնային հաղորդակցության մասին» Հայաստանի Հանրապետության օրենքի 1-ին հոդվածի 1-ին մասի 1-ին և 8-րդ կետերը, 5-րդ հոդվածի 1-ին մասի 2-րդ կետի ժդ) ենթակետը, 6-րդ հոդվածի 2-րդ մասի 1-ին կետը, 13-րդ հոդվածի 2-րդ մասը, Հայաստանի Հանրապետության հանրային ծառայությունները կարգավորող հանձնաժողովի 2006 թվականի մարտի 7-ի «Ռադիոհաճախականությունների օգտագործման թույլտվությունների տրամադրման կարգը հաստատելու մասին» դ28Ն որոշումը և հաշվի առնելով, որ «ԱրմենՏել» փակ բաժնետիրական ընկերությանը ռադիոհաճախականությունները հատկացվել են №ՌՌԳ/Կ-034/1 և №ՌՌԳ/Կ-035/1 թույլտվություններով՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. «Հեռահաղորդակցության հանրապետական կենտրոն» պետական փակ բաժնետիրական ընկերության կողմից «ԱրմենՏել» փակ բաժնետիրական ընկերությանը 2000 թվականի հուլիսի 25-ին տամադրված ՌԷՄ-ի տեղադրման համար ռադիոհաճախությունների հատկացման №ՌՌԳ/Կ-034/1 և №ՌՌԳ/Կ-035/1 թույլտվությունների գործողության ժամկետը երկարաձգել մինչև 2013 թվականի մարտի 3-ը:
2. Սույն որոշման 1-ին կետում նշված թույլտվությունները շարադրել նոր խմբագրությամբ՝ համաձայն հավելվածի:

3. «ԱրմենՏել» փակ բաժնետիրական ընկերությանը՝ սույն որոշումն ուժի մեջ մտնելու պահից 6 աշխատանքային օրվա ընթացքում Հայաստանի Հանրապետության հանրային ծառայությունները կարգավորող հանձնաժողով ներկայացնել ռադիոհաճախականության օգտագործման թույլտվությունների գործողության ժամկետի երկարաձգման համար անհրաժեշտ վճարի վճարումը հավաստող անդորրագիրը:
4. Ուժը կորցրած ճանաչել «Հեռահաղորդակցության հանրապետական կենտրոն» պետական փակ բաժնետիրական ընկերության կողմից 2002 թվականի փետրվարի 25-ին «ԱրմենՏել» փակ բաժնետիրական ընկերությանը տրամադրված Վայոց ձորի մարզի Եղեգնաձորի շրջանի ռադիոռելեային կապի գծերի շահագործման N°ՌՌԳ/Կ-034, N°ՌՌԳ/Կ-034-1, N°ՌՌԳ/Կ-034-2, N°ՌՌԳ/Կ-034-3 և 2002 թվականի հունվարի 22-ին տրամադրված Լոռու մարզի Սպիտակի շրջանի N°ՌՌԳ/Կ-035, N°ՌՌԳ/Կ-035-1, N°ՌՌԳ/Կ-035-2, N°ՌՌԳ/Կ-035-3 թույլտվությունները:
5. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ՝**

Ռ.ՆԱԶԱՐՅԱՆ

ք. Երևան
19 հունվարի 2007թ.
Ժամը 17⁰⁰